

ANA MOA NI BOKI MOTE

ARE ARANAKI BA

KARIKANI B'ĀI.

Rongorongoni Karikani B'āi

1 NGKE a tuai ni karikani b'āi, ao
E karika karawa ma aonaba te
2 Atua. Ao e tuai n riki ni b'ai aonaba,
ao akeea kanoana; ao e mena te ro i
3 aoni marawa: ao e mamakuri tamnein
te Atua i aon rān. Ao E taku te Atua,
4 E na ōta: ao e a ōta naba. Ao E norata
5 ōta te Atua ba e raoiroi: ao E karaurea
te ōta ma te ro te Atua. Ao E arana te
6 ōta te Atua ba te Ngaina, ao E arana
te ro ba te Bong. Ao iai te tairiki ao iai
te ingabong, ae te bongina te bong.
7 Ao E taku te Atua, Ke e riki ānnang i marenan rān, ao ke e karaurei
rān ma rān. Ao E karaoa ānnang te
Atua, ao E karaurei rān ake i ānnang ma
8 rān ake i etan ānnang: ao ai
9 ngaea aei. Ao te Atua E arana ānnang
ba Karawa. Ao iai te tairiki ao iai
te ingabong, ae te kauoua ni bong.
10 Ao E taku te Atua, Ke a ikotaki rān
ake i āni karawa n te tabo ae ti teuana,
ao ke e kaoti te aba ae mau: ao ai
11 ngaea aei. Ao te Atua E arana te aba
ae mau ba Aonaba; ao E aran ikotakin
rān ba Marawa: ao te Atua E
12 noria ba e raoiroi. Ao E taku te Atua,
Ke e karika te uteute aonaba, ma te
aroka ae na uā, ma te kai ae e kanaki
uāna ae na kariki uā aika bon uāna,
ae iai korāna i nanona, i aonaba: ao
13 ai ngaea aei. Ao aontano e karika
te uteute, ma te aroka ae kariki uā
aika bon uāna, ma te kai ae kariki uā,
ae bon iai korāna i nanona, aika bon
uāna: ao E noria te Atua ba e raoiroi.
14 Ao bon iai te tairiki ao iai te ingabong,
ae te katenua ni bong.
15 Ao E taku te Atua, Ke e riki taian
ōta i karawa, ba a na kaokoroa te
ngaina ma te bong; ao a na riki ba

kanikina, ma taian tai, ma bōng ma
15 ūriki: ao ke a ūriki ba taian ūta i karawa
ba a na kaōta aon te aba: ao aingaiae aei.
16 Ao te Atua E karaoi ūta aika ababaki
aika ououa; ba te ūta are ababaki ūriki
ba e na taua aron te ngaina, ao te ūta
are karako ūriki ba e na taua aron te
bong: ao E karaoi naba taian itoi.
17 Ao te Atua E kaki baikai i karawa
18 ba a na kaōta aon te aba, ao ba a na
tauau aron te ngaina ma te bong, ma
ni kaokoroa te ūta ma te ro: ao E
19 noria te Atua ba e raoiroi. Ao bon iai
te tairiki ao iai te ingabong, ae te
kaaua ni bong.
20 Ao E taku te Atua, Ke a kabatiai
mān aika m'am'ae aika maiu rān, ao
ke a kibakiba man-ni-kiba i etan te
21 ūta i ānnang. Ao te Atua E kariki'a
manni marawa ake a ababaki, ma
mān ake a maiu ake a m'am'ae ni
kabaneia, ake a kariki rān ni kabatiai,
n aroia nako, ao mān aika kibakiba
ni kabaneia n aroia nako: ao E noria
22 te Atua ba e raoiroi. Ao E taetae te
Atua ni kakabai'a, ao E kangai,
Kam na batu ni kariki, ao kamaitingkami,
ao kabutatari i marawa, ao ke
a kabatiaki mān aika kibakiba i aon
23 te aba. Ao iai te tairiki ao iai te ingabong,
ae te kanimaua ni bong.
24 Ao E taku te Atua, Ke e kariki'a
mān aon te aba aika mān aika maiu
ni bon aroia, aika mān aika manana,
ma mān aika kawakawa, ma manin
aon te aba aika katamanti ni bon
25 aroia: ao ai ngaea aei. Ao te Atua E
karaoi'a manin aon te aba aika kata
manti ni bon aroia, ao mān aika ma
nana ni bon aroia, ao mān aika kawa
kawa i aontano ni kabaneia ni bon
aroia: ao E noria te Atua ba e raoiroi.
26 Ao E taku te Atua, Ti na karoia

KARIKANI B'ĀI, 2

aomata ba ai arora, ni katotongira: ao a na tauaki aroia ikani marawa i rouia, ma manin ān-nang, ma mān aika manana, ma manin aonaba ni kabuta, ma mān aika kawakawa aika kawakawa i aon te aba ni kabaneia.

27 Ao te Atua E karika te aomata ba katotongana, E karikia ni katotonga arona; E kariki'a ba te m'an'e ao 28 te aine. Ao E kakabaijai'a nakekei te Atua: ao E taku te Atua nako ia, Kam na bati ni kariki, ao kam na kabatiaingkami, ao kaona aonaba, ao kataea ana kai; ae tau aroia ikani marawa, ma manin ān-nang, ma mān aika maiu aika kawakawa i aontano 29 ni kabaneia. Ao E taku te Atua, Noria, I a tia n anganiningkami aroka aika uā ni kabane, aika mena i aonaba ni bane, ma kāi ni kabane, aika a kariki uā aika a mena korāia i nanoia; boni 30 kanami te baenue: ao manin aonaba ni kabaneia, ma manin ān-nang ni kabaneia, ma mān aika kawakawa i aontano aika e mena te maiu i nanoia ni kabaneia, I a tia n angania aroka aika mawawa ni kabane ba kanaia:

31 ao ai ngaia aei. Ao te Atua E nori b'āi ni kabane aika E karaoi, ao noria, moan te raoiroi. Ao bon iai te tariki ao iai te ingabong, ae te kaonoua ni bong.

2 Ao a a tia karawa ma aonaba ma b'aiia ma kāiia ni kabaneia. Ao n te kaitiuia ni bong E kaitia ana makuri are E karaoia te Atua; ao E tokin te kaitiuia ni bong man ana makuri ni bane ake E karaoi. Ao te Atua E karaoiroa te kaitiuia ni bong, ao E tabuia: ba kioina ngke E toki iai man ana makuri ni bane ake E kariki ma ni karoai.

Karikani B'āi ao B'akan te Aomata

4 Aikai karakinani moan rikini karawa ma aonaba ngke a karikaki, n te bong are E karaoi iai aonaba ma karawa 5 Iehova ae te Atua. Ao a tuai n riki kāi n amarake aika kain te tawana i aonaba, ao a tuai n riki rake aroka n amarake nako aika aroka n te tawana; ba E tuai ni kab'aka te karau Iehova ae te Atua i aon te aba: ao akea naba 6 te aomata ae na ribana aontano; ma e beti rake te mabubu mai aon te aba, 7 ao e teboka aontano ni kabuta. Ao

Iehova ae te Atua E karaoa te aomata ni bubun aontano, ao E ūka te ikeike ni maiu nako nanoni bangabangani bairina; ao e riki te aomata ba te 8 tamnei ae maiu. Ao Iehova ae te Atua E unika te ne n aroka i mainiku, i Eten; ao E kamaeka iai te aomata 9 are E a tia ni karaoia. Ao Iehova ae te Atua E karikirakei kāi ni kabane man te tano, aika a raraoi tarāia, ma ni kakanaki uāia; ao te kai ni kamaui naba i nukan te ne n aroka arei, ma te kai n ata te raoiroi ma te buakaka.

10 Ao e rāngā nako te karanga mai Eten ba e na teboka te ne n aroka arei; ao e m'anga mai iai, ao e riki ba aua 11 m'angana. Aran te moa ni karanga Bition: bon ngaia ae otabaninia te aba are Awira ni kabuta, ike e mena iai 12 te kōra; ao e raoiroi kōran te aba arei: e mena iai te kanim ae te teriam ma 13 te atibu are te oniki. Ao aran te karanga are te kauoua Kion: bon ngaia ae otabaninia te aba are Kuti 14 ni kabuta. Ao aran te karanga are te katenua Itekera ae Taikiriti: bon 15 ngaia are rāngā i mainikun Aturia. Ao te karanga are te kaaua Iuberetiti. Ao Iehova ae te Atua E kaira te aomata arei, ao E kamaeka n te ne n aroka are Eten ba e na ribanaia ma ni 16 kawakinna. Ao E tuanga te aomata arei Iehova ae te Atua, ao E kangai, Ko kona n amamarake raoi mani kāi ni kabane aika kain te ne n aroka aei:

17 ma ko na tai amarake man te kai n ata te raoiroi ma te buakaka: ba n te bong are ko amarake mai iai ao ko na boni mate.

18 Ao E taku Iehova ae te Atua, E aki riai te aomata aei ni mena n ti ngaia; N na karaoa te tia buobuokia ba 19 raona ae riai. Ao Iehova ae te Atua E karaoi'a manin te tawana ni kabaneia man te tano, ma manin ān-nang ni kabaneia; ao E kairi'a nakon te aomata arei ba E na noria ba āra ra aika e na arania iai: ao te ara are e arana te man iai te aomata arei 20 ao bon arana. Ao te aomata arei e angania mān aika manana ni kabaneia araria, ao manin ān-nang, ma manin te tawana aika katamanti ni kabaneia; ma e tuai n reke iroun te aomata arei 21 raona ae riai ni buokia. Ao Iehova

KARIKANI B'ĀI, 3

- ae te Atua E kab'aka te matu ae kora-kora i aon te aomata arei, ao e matu; ao E anā rinikaokaona teaina, ao E a manga kanima te iriko ni bonota mwina:
 22 na: ao Iehova ae te Atua E karaoa te rinikaokaao are E anaia mairoun te aomata arei ba te aine, ao E kairia
 23 nakon te aomata arei. Ao e kangai te aomata, Bon rin riu aei ngkai, ao irikon irikou: e na aranaki ba te Aine, ba kioina ngke e anaki mai nanon te M'ané.
 24 Ma ngaia ae e na kitana tamana ma tinana te aomata, ao e na nim ma buna: ao a na riki n ti te irikona nakai.
 25 Ao a uaia n aki kabae nukaia, te aomata arei ma buna, ao a aki māmā naba.
- 3** Ao e nanowanawana riki te naeta nakoia manin te tawana ni kabaneia aika E karao'i a Iehova ae te Atua. Ao e taku nakon te aine arei, E koaua ke e aki ba E kangai te Atua, Kam na tai amarake mani kāi ni kabane
 2 aika i nanon te ne n aroka aei? Ao e taku te aine nakon te naeta arei, Ti boni kona n amarake man uāni
 3 kain te ne n aroka aei: ma aio taekan uāni te kai ane i nukan te ne n aroka aei, ba E kangai te Atua, Kam na tai kanna, ao tai ringnga naba, ba
 4 kam kawa ni mate. Ao e taku te naeta nakon te aine, Kam na bon aki mate:
 5 ba E ataingkami te Atua ba n te bong ae kam na kanna iai, ao a na kaureaki matami, ao kam na riki ba kānga te Atua n atā te raoiroi ma te buakaka.
 6 Ao te aine arei ngke e nora te kai arei ba e kakanaki uāna, ao ba e kan tarataraki ni māta, ao ba e na tangiraki te kai arei ba e na kawanawana te aba, ao e kinika uāna, ao e kanna; ao e angan naba buna ma ngaiā, ao e
 7 kanna naba. Ao a uaia ni kaureaki mataia nakekei, ao a atai'a iai ba akea karabai; ao a itutu bāni biku,
 8 ao a karaoi aia betaki iai. Ao a ongo b'anān Iehova ngke E nakonako i nanon te ne n aroka n taini kamaitorion te ngaina: ao te aomata ma buna a karabai mai matan Iehova ae te Atua i buakoni kain te ne n aroka arei.
 9 Ao Iehova ae te Atua E wetea te aomata arei, ao E taku nako ina, Ko
 10 mena ia? Ao e kangai, I ongo b'anam n te ne n aroka, ao I maku, ngke I
 11 aki karabana: ao I karabai. Ao E taku te Atua, Antai ae tuangko ba akea karabam? Ko a tia ni kana uāni te kai, are I tuangko ba ko na
 12 tia kanna? Ao e kangai te aomata, Te aine are Ko anganai ba raou, e anganai uāni te kai arei, ao I kanna.
 13 Ao E taku Iehova ae te Atua nakon te aine, Tera aei ae ko a tia ni karoia? Ao e kangai te aine, E mamanāi
 14 te naeta, ao I kanna. Ao E taku Iehova ae te Atua nakon te naeta, Ngkai ko karaoa aei, ao e na kabatiaki riki karekeani kaim nakoia mān aika manana ni kabaneia, ma manin te tawana aika katamanti ni kabaneia; ko na aeae ni birotom, ao ko na amamarake ni bubun te tano n ua tokini bongini maium ni kabane:
 15 Ao N na kaki te kakaiwi i marenam ma te aine aei, ao i marenan am kariki ma ana kariki: e na kaikoaka atum, ao ane ko na kaikoaka bukini
 16 waena ngkoe. E taku nakon te aine, N na kabatia marakim n ariri n am tai ni bung; ko na bungia natim n te rawawata; ao ane e na nimta bum
 17 am tangira, ao e na taua arom. Ao E taku nakon Atam, Ngkai ko a tia n ongo b'anani bum, ma ni kana uāni te kai, are I tuangko, ni kangai, Ko na tai kanna: ao e karekeaki kain aontano i bukim; ane ko na amamarake mai iai n rawawata n ua tokini bongini maium; e na kariki naba akanta ma kāi aika kateketekete ba arokam; ao ko na amamarake n aroka aika kain te tawana. Ko na
 19 amarake n te amarake ma maononi moam, ni karokoa okim nakon te tano; ba ko anaki mai nanona: ba bon te tano ngkoe, ao ko na manga
 20 okira te tano. Ao te aomata arei e atonga arani buna ba Ewa; ba kioina ngke tinaia akana maiu ni kabaneia.
 21 Ao Iehova ae te Atua E karaoi karabai Atam ma buna aika kunia mān, ao E kunnikai'a iai.
 22 Ao E taku Iehova ae te Atua, Noria, e riki te aomata aei n ai aron temanna i buakora, ngkai e ata te raoiroi ma te buakaka; ao ngkai, ba e na aki arora baina n anā naba uāni te kai ni kamaiu, ma ni kanna, ma ni maiu

KARIKANI B'AI.

23 n aki toki: ma ngaiā are E kanakoā
Iehova ae te Atua man te ne n aroka
are Eten, ba e na ribana n te tano
24 are e anaki mai iai. Ao E kakioa nako
te aomata arei; ao E kamenaia taiani
Kerubim i tanimainikun te ne n aroka
are Eten, ma uram'akan te kabāng
ae bibitaki nako, ba e na kawakina
te kawai are kawain te kai ni kamaiu
arei.

Published by The Bible Society
in the South Pacific
P.O.Box 5173, Raiwaqa,
Suva, Fiji

Gilbertese R63

BSSP/1977/2M